



08381

農丈人文集序

予竊慨今之日泰不講於農

之術矣

閒燕垂紳笏商賈負擔何工傭辨功苦藝

搖舌談龜策卒受直踐更氓至於計無復

之始脫衣戴蒲盡四支之敏為農顧自士

以下依農為命此其為功巨取效廉而其

聲甚銷也予又竊慨今之日其文之質者

泰似於農之術矣儼豔之語裁四儷六模

農丈人文集

序

遷范固出莊入列而鴈鼎見悅畫龍不駭

彼師孔談經質有其文者埒之自鄙其為

功巨取效廉而其聲甚銷也猶之農也世

不貴農至論大狗農師一之即司徒太師

五之七之農之自貴不為世所不貴變也

世不貴文之質至論大聲隱隱轟轟久而

愈盈白日照之江河滌之文之質者自貴

不為世所不貴變也蓋予讀農丈人集也

以為講於農之術邪似農邪而丈人自名  
農也則又非徒講於農之術邪意者真農  
邪農者曰先生者美米後生者為粃是故  
其耨也長其兄而去其弟不知稼者去其  
兄而養其弟文亦有兄丈人取真醇棄糟  
粕是養兄之農也故其辭精而格高農者  
曰權節其用及寒擊粟除用以待時耕及  
耕深耕而疾耨之以待時雨文亦有待丈

人從容按節優柔適會是待時之農也故  
其理融而情滄農者曰穫之控控積之粟  
粟其崇如墉其比如櫛以開百室文亦有  
穫有積丈人乘一總萬舉要治繁是開百  
室之農也故思合符契而文成矩矱夫農  
與文二物也而道一也以農之心抒之詞  
則其樸尊其約膠其氣章其味甘質有餘  
而不受飾以非農之心抒之詞則野有寔

未繁華沒實皆知其末莫知其本真唐秩  
東作而堯文安安棄為農師而周文郁郁  
有有莘之耕而後能作伊訓有南陽之稼  
而後能吟梁父非意之也或曰農而文也  
彼世之糾笠趙鎛與堯童牧孺肩相摩者  
胥貿貿焉董辯菽麥世之棄畝棄圃委重  
築解襜褕而齷組據軒者十九彬彬也曰  
農而闇於農道也何能文矣彼不農而農  
農丈人文集

序

三

其道者未有不嫻於文也其農丈人之文  
邾丈人始為農既釋褐成進士歷官至奉  
常復為農故始終名農丈人丈人為誰予  
友人四明余僧杲也丈人集二十八卷詩  
得其八文得其廿

萬曆甲辰歲清明日友人泰和郭子章敬  
撰

農丈人詩集卷之一

目錄

晁畢者芝四章 有序

閣魏魏為程太學虞仲賦 有序

浦三姑操 有序

送屠田叔北上謁選四首

壽大司馬張公東沙先生

魏茂權奉常席上贈萬伯脩明府

贈呂心文心文令泰興甫三月棄之歸

農丈人詩集

目錄卷一

一

送戴仲德游秣陵得高字

別駕鄭龍岡先生過訪

周郡理國雍過訪

婺州吳少君來訪

小樓對雪仝沈嘉則諸君限韻

何愁

杯酒

送節推陳及卿之廣州寄訊廣州太守周

源伯及祕書黎惟敬



黍谷行送葉鄭朗游燕都

送莊靜甫之秦謁幕府葉周兩公

送余節推之淮郡

全康裕卿胡文甫登昆盧閣分得僧字

使君一首呈丁右武巡海使者使君懷故

若饑逢人便問爰解踈節用志鄙悰

萬竹山房賦贈張方伯公纓泉先生

維揚別李道甫道甫嘗以抹魏侍御謫官

故末語及之

農丈人詩集

目錄卷一

二

山居二首

張司馬公招游茂嶼全其從孫石里少卿

明江太守賦二首

夏日歐楨伯李巖美沈叔成梅克生盛泰

甫梁持伯朱汝脩董體仁李汝藩邀素

景從馬用昭張元易及余集顯靈道院

分得清字是日巖美後至而汝藩之薦

資也頻遂及之後語詩凡二章

送潤州劉別駕入賀 萬壽二首

送沈肩吾太史應召日講二首

恭紀 聖駕大閱二十二韻

發嘉祥縣

夜行真張道中有懷黃鄆城明府

靈鳴牘口遲王元美太僕不及聞已之任

燕都

送管世臣之任延平太守

姬仲安叅軍來訪

贈陳定海明府

鼎文人言集

目錄卷一

三

郡公吳文仲以詩見贈賦畝

沈文選徵甫俞考功章甫過訪翌日又辱

筵之賦謝

維揚黃定甫過訪與談曾司空舊事悵焉

有述

貳守李公惠贈俸資賦謝

老鮫

題畫

沈肩吾太史屠田叔比部餞別郊外二首

時余下第東歸

渡滹沱

過徐州諸山

絕句三首送徐參軍之陪京

送鄔仲聲三首渠家翁汝翼先生嘗許余  
入道故首章寔追恨焉

張司馬公招游武陵庄四首

武陵再賡四首

題胡人射獵圖四首

農丈人詩集

目錄卷一

四

題軒轅石

題便面

博平阻風二首

淮上阻風二首

農丈人詩集卷之一

古鄆余寅僧吳著

畢畢者芝 有序

畢畢者芝為邵侍御也侍御廬母墓三

年有芝若干本產其墓所孝所召也送

賦焉

寔寔者芝魁其以瑳魁其以瑳蒸也則邾君子

寔寔

畢畢者芝黝其以蕢黝其以蕢蒸也則云君子

農丈人詩集 卷一

寔寔

天無宇宿母于野 叶 俵乎貯矣其何許矣不肉

白骸肉爾膺膺后土后土

天無左 叶 宿母于莽俵乎憊矣其何處矣不蘇

白骸蘇爾栩栩后土后土

畢畢者芝四章二章章五句二章章七

句

閣魏魏為程太學虞仲賦 有序

虞仲好古圖書貯之一閣命曰芸閣為

之賦閣巍巍凡六解

閣巍巍埒無閭廓億部尚古初一解閣巍巍白

魚伏從不勝所中酷二解閣巍巍郁盼起誰執

火侍君子三解閣巍巍討竒牟驟三辰決若籛

四解閣巍巍義之府翼吾神以開厚五解閣巍巍

巍干青雲介文昌謁至尊六解

浦三姑操有序

浦三姑者傳御史側室也事御史七十

日而御史謫戍海上從御史海上凡二

年而產而死御史哀之甚余為作浦三

姑操凡三章

浦三姑徐猗于壹者之妹無若於人殊矜乃擊

悅絜華衮來之魚魚顧見望舒

浦三姑委無渝皇天其劬敬恭昌瑜奉之乎多

荼君子以無瘖

浦三姑胡不如如敦禺去不湏更兒來不俱鳴

呼命之不圖疚我歌初

送屠田叔北上謁選四首

君行何勸我心何旁皇春強不解雪雷電雜  
繁霜但知相聚樂豈知相別傷聚散亦有時不  
信待來茲一辭令人嘆再辭令人思青陽日以  
綠不共履歲鞋天路邀佳人光彩生驅馳不念  
居者苦肝腸日夜摧

其二

出門會有宜理途亦有紀大風凍不前旌旆何  
靡徙上堂辭白髮下堂辭內氏操襟撫其心揮  
淚向寒水將父如之向將母誠足喜大志苟有  
申富貴非所齒丈夫事四方安得守窮耒

農丈人詩集

卷一

三

其三

山海高以深培塿自卑小嶷嶷媵厚姿文章見  
標表仁者必有充中腴貌不槁茹氣良自嘉吐  
氣亦自好篤古類必收得言忽如飽奉已食太  
清不愿同佻巧咄喏世上人立身胡草草何不  
師吾友百拜歸天造

其四

與君成久要形影相追隨行役胡為耳山川忽

間之君行勤北闕特達信所如皇天寶嘉類  
優崇且舒小人寡宿植倉皇念疇昔微幸不可  
多造化來相厄何者再三憐衆人指為僻托生  
各有命千疑待一聖兩心豈不然青山以為正  
壽大司馬張公東沙先生

又祝尚書壽還過秘監湖雲霞高鴈鶩洲渚空  
菰蒲別業開詩社閒身伴酒徒黃金多舊賜嘉  
與老臣娛

魏茂權奉常席上贈萬伯脩明府

農丈人詩集

卷一

四

海內稱兄弟如今若箇真總闕春寂莫乍向酒  
嶙峋盛世難論事窮途易覘人不須尋黍谷玉  
瑄已成塵

贈呂心文 心文令泰興甫三月棄之歸

陶令曾迂濶君今與頡頏偶然看寶玦督爾謝  
銅章霄漢威儀大山林位置長當時嚴忌子原  
住禦兒鄉

送戴仲德游秣陵得高字

煙雨積江臯江聲日夜勞春方開浩蕩客自美

游邀六代存黃鳥千山上白袍古人都寐莫  
使酒杯高

別駕鄭龍岡先生過訪

行部及芳菲來過白板扉花陰平絕壑雲片墮  
虛幃土脉風俱發山楸月共圍函前方丈地端  
拜賦緇衣

周郡理國雍過訪

丘園吾自老旌節爾何侵一看幽人意幾傷  
達者心青山償始顛空谷有知音怪道談鋒盛  
情真不避深

農丈人詩集

卷一

五

婺州吳少君來訪

窮巷故無竒蕭齋雅自宜倉皇千里道忽漫十  
年思對面蒼山長論心白日遲形骸都忘却了  
不使人疑

小樓對雪全沈嘉則諸君限韻

對雪真無賴披襟故有期踈鐘清暉晚高燭微  
茅茨除夕明朝是吾生世路危蔬畦供小摘已  
得及春滋

何愁

吾亦難知我何愁可向人雲生秋黯黯雨入夜  
逡巡丘壑初占籍乾坤未了身頭顱看種種客  
易到今貧

杯酒

杯酒爾何知難論是布衣自經人面改便覺世  
情違涼月方窺戶淒風正切幃孤燈看仔細顧  
影不成依

送節推陳及卿之廣州寄訊廣州太守周

源伯及秘書黎惟敬

陳君意度何宛練御史臺中日相見忽然遠作  
百粵行馬頭屑屑飛搏霰我聞百粵多毒淫黑  
礁叢箐天沉沉恨殺當時海珠寺乘陴不發何  
衿吟邇來弄兵少衰止噢咻瘡痍待君起毋然  
縱口輕入人搖筆便闕生與死誰言六程空下  
來玉皇香案高崔嵬世人不解作真吏蒼鷹乳  
虎爭喧逐如今太守漢周舉萬里急君正延佇  
山剽野竊次第清尋常談笑佐樽俎大庾嶺上

梅未舒桄榔木葉逢人踈相思到處總如此  
訊山中黎秘書

黍谷行送葉鄭朗游燕都

龍荒迤北號幽朔白檀一片如枯瀆此方錮在  
九地陰不省農間有種稜爽靈道者神霄人手  
握玄闕轉亭毒梅拊嶰竹按宮徵窮嶮倏忽成  
膏沃豈有天公假幻師遂令土母機揆速總知  
塊塤屬大鈞感粟陽和反乎復入均出度由空  
管至今滿耳呼鵠鷄君不見水諸火燧俱胎宿  
農丈人詩集 卷一 七

海知尾閭雲能族此理冥漠不必論皇州此日  
誰推轂君到燕山黍正熟不妨匙滑琉璃馥日  
向天街跨黃犢

送莊靜甫之秦謁幕府葉周兩公

秦中自古號神京花事繁時緩轡行磅礴不分  
天地大寂寥都共草萊平五銖豈必真媒世六  
博從來不買名正喜風流都護在畫應泚筆夜  
飛觥

送余節推之淮郡

淮南近事喜清夷，正賴神明贊百司。天地乍分  
瀕洞日山川未展勞，來時王孫舊業無空壘。帝  
子雄心有大陂，寂是于公勤賽鼓。至今伏臘報  
靈祠。

全康裕卿胡文甫登毘盧閣分得僧字

謁來長嘯學孫登，妙喜諸天取上層。萬里風雲  
歸浩蕩，九關斥堠入憑陵。高談直欲驚塵世，餘  
瀝猶堪酌聖僧。下界忽聞吹觱篥，紛紛翔思莽  
相仍。

使君一首呈丁右武巡海使者使君懷故

若饑逢人便問爰，解踈節用志鄙悰。

使君高誼總氤氲，芳訊時時到海濱。不狎火羣  
幽澗草，無關天路大隄雲。鑿坏遁去吾何敢，抱  
石沉來舊有聞。湯詫龐公真偃蹇，鹿門洞壑定  
誰分。

萬竹山房賦贈張方伯公纓泉先生

青天捲盡綠雲踈，宛在竇當谷口居。已分投閒  
真是鮫，何妨混迹併為漁。平生作事都無過，今

日論貧總不如縱使辟疆園取勝恐難高頌  
君廬

維揚別李道甫道甫嘗以抹魏侍御謫官  
故末語及之

方舟不判意何其百徧遠巡是酒卮秋老關河  
搖落候夜深天地混同時寸腸似海渾無量片  
語如山定不移往事偶然吹一映無煩重理向  
來辭

山居二首

農文人詩集

卷一

九

盤桓從地拙偃息仰天慈竟歲輪田作常時計  
口炊事多今日便迹有衆人危不信玄同者沉  
思轉益疑

漫說總舐殊聊從祇自湏山中讀秋水象外得  
玄珠豪舉貧能甚雄心老欲無不甘偷歲月清  
晝自然徂

張司馬公招游茂嶼全其從孫石里少卿  
明江太守賦二首

嵐氣宿江干經霜不作寒丹楓何造次早已共

盤桓解組諸君勇傳杯此地寬無嗟人世事吾  
道自艱難

大海浣青天高樓滿月懸有懷都浩蕩無語獨  
翩翩痛飲芙蓉下狂歌絡緯前潤寒吾自足焉  
敢受人憐

夏日歐楨伯李靄美沈叔成梅克生盛泰  
甫梁持伯朱汝脩董體仁李汝藩邀索  
景從馬用昭張元易及余集顯靈道院  
分得清字是日靄美後至而汝藩之薦

農丈人詩集

卷一

十一

資也頗遂及之後語詩凡三章

天宇開澄碧霞宮切紫清就陰頗改席迫景疾  
飛觥梅雨當歌斷蘭風逐嘯生鶴鷗緣底事儻  
遲老侯羸

勝賞亦公事沉酣是舊盟談鋒轉圓捷雲物與  
崢嶸官下多纏束樽前暫廓清精精紛進續真  
稱五侯鯖

送潤州劉別駕入賀 萬壽二首

朱方初郡倅丹陛獸蒿呼咫尺金函在分明玉

藻俱山川皆下走風雨正前驅何幸鈞天上  
逢泰昊殊

神霄何處所法從自周遭黃道諸辰伏青雲萬  
事勞棄乾流自古替亢勢原高知有南山曲明  
時不用操

送沈肩吾太史應召日講二首

雅志彌端亮敷辭盛慨慷言觀一尺詔真作萬  
年觴 九廟威靈赫千官意氣長天家磐石似  
莫不贊平章

農丈人詩集

卷一

十一

稷下空雄辯鴻都亦瑣儒無為天法象有儼  
帝師模寧許夔龍讓還同周召趨成王英妙日  
駟駕聖之途

恭紀 聖駕大閱二十二韻

有大思隆烈無前廣上規廟謨文並武聖慮險  
為夷天地開中壘風雲護曲維布著春迪吉馮  
燾晝揚麾日動嚴達蚤天行夾鼓遲如山華蓋  
靜非霧翠幢嶮礮電為游徼鞭雷作大誰欣飛  
歸節制曠騎領威儀桂向龍棖遶蘭從虎落披

轉輅呈遠勢促鼓奮雄姿劍決聲俱沸戈旋氣  
不靡星辰知起伏江漢入推移爨力輕黃洞捐  
軀俯白義縱橫猶古法凌厲是今時小醜皆俘  
馘名王悉係纍討將軍實盛示以國容竒舍芟  
元閑禮車攻載頌詩軀膺啗漢事角觝陋秦爲  
雨競懽呼集風隨號令馳張皇纔一舉震疊已  
三垂玄武旗常直蚩尤羸敢吹 帝真黃道主  
永荷綠圖熙

發嘉祥縣

大湖無風照天靜黃屋赤谷高低隱嚴霜白盡  
陳死根石逼星寒沒孤影水伯無權不到村滌  
場墜戶嬉相存起餉客子夜未半相送狂霾又  
出門

夜行壽張道中有懷黃鄆城明府

灌莽蕭蕭風正疾夜半霜空擊沙礫寒光直妬  
天漢青舉足無憑兩相失馬驚轂泛星辰疲木  
乾草溢逋逃疑涕淚將無岐路盡肝膽安有窮  
途爲世事踟躕每如此孤燈獨坐吾知之忽思

昨日黃明府恨不留連更片時

靈鳴犢口遲王元美太僕不及聞已之  
燕都

黃柳花殘馬頰河春深其柰故人何空勞悵望  
青天外何地馮陵赤電多興到酒人應自暢豪  
知屠者競相過長安此日倍顏色未道風塵太  
劇詞

送管世臣之任延平太守

浦上沙黃氣色開諸谿安穩使君來府中自識

農丈人詩集

卷一

十三

神明守 陛下真憐跡弛才漲海煙雲都尉部  
蠻天風雨越王臺褰帷幾渡延津水莫歎雙龍  
去不回

姬仲安參軍來訪

參軍久已謝浮名特地相思爲入城窮巷不妨  
風雨積小山自許薜蘿清一披竹色青衿合雙  
照梅花白髮明信有當時初意在敢辭踪跡世  
人驚

贈陳定海明府

宜憐茂宰大江隅，真竝文身龍子居。  
百里纖毫皆曠蕩，幾年瀉溷借躊躇。  
田間不獸多馴雉，谿上由來少暴魚。  
處處野棠開白晝，寂寥還著九農書。

郡公吳文仲以詩見贈賦會

曾將一疏叩重閣，鯨海波濤靜不翻。  
轉粟萬庾供歲計，請錢十屋戢軍屯。  
福堂閒寂天真大，禮殿雍容日自尊。  
慚愧白頭蒙異數，高題篇什到衡門。

農丈人詩集

卷一

十四

沈文選徵甫俞考功章甫過訪翌日又辱  
筵之賦謝

六朝舊蹟入空陂，王謝風流不可追。  
世自尋常看鸞鷲，誰曾明白效塤箎。  
水歸海甸爭成險，山到皇都總獻奇。  
好事如君真不易，南中今日有新詩。

惟揚黃定甫過訪與談曾司空舊事悵焉  
有述

凍雪連江過槿籬，可堪相憶舊相知。  
杯行花下

雙無恙淚灑燈前兩不欺  
片鏡自捫霜縹緲  
裾誰拂雨紛披  
欵冬滿樹看猶昨  
恨入先春未較遲

貳守李公惠贈俸資賦謝

杜門聊自慰  
支離萬里風塵正  
倦時赤仄來  
相問訊赫蹠  
端拜有威儀  
鯁生真玩人  
間世稚子初欣宇  
下炊海嶽高  
深空眼底即  
今標韻好  
憐誰

老鮫

農丈人詩集 卷一 十五  
老鮫銖子舊魚腸  
誰道三年不發光  
莫把龍文聞自照  
恐多靈氣駭天狼

題畫

獸屋千峰閉  
寒廓山風日夜吹  
空壑青青寒燒  
上枯梨不覺天  
沉松子落

沈肩吾太史屠田叔比部餞別郊外二首  
時余下第東歸

寒驢蹶躡出都門  
岐路相看酒一尊  
臨到分携渾不省  
狂靈濁霧一時昏

劇人家是艷陽天何地春光不可憐君自慨  
吾自醉揔無言語只揮鞭

渡溱沔

一片桑乾水氣昏白雲空磧大河吞馬頭帶得  
衝星劔夜夜回看古薊門

過徐州諸山

大火流時上帝畿歸來不信柳花飛青山處處  
都相識已是三回換客衣

絕句三首送徐參軍之陪京

仙郎灑落早知名綵騎翩翩白下行想憶秦淮  
舊時路聽歌桃葉不勝情  
天家無事若安孟不用張皇合虎符抱得奇門  
無用處祇來談笑佐呼盧

脫巾往事忍重論金鑊鑊曾怙 主恩試問鯨  
鯢江上舞可能半甲耀轅門

送鄔仲聲三首渠家翁汝翼先生嘗許余

入道故首章寔追恨焉

絳雪當年許共嘗相將携手白雲鄉如何獨餌

飛魚去不借玄明半七霜

爾家衣鉢在稱詩况值皇天酷烈時一讀悲歌  
一慷慨夜闌風雨大江垂

長鏡携得傍誰居晝理絲桐夜讀書欲問生涯  
何處所閒雲滿地不堪鋤

張司馬公招游武陵庄四首

寒潭秋老淨江門天空千村與萬村無數汀花  
驕客子教人信步下高原

白衣如水水如霜薜荔看人意自長盡日欄干

農丈人詩集

卷一

十一

憑不足又隨脩竹過東墻

忘却山家日月遲都無猿鶴到猜疑等閒拾得

金光草不信春風老自知

空濛薄霧隱潺湲併入青楓作曉寒泱泱溪雲  
水翻去碧沙明處海天寬

武陵載賡四首

烟莽離離葉不收山空石落大陂秋金天白盡  
高雲過閒殺黃花澗底幽

地僻花深晝不開青鸞窟室白雲隈主人更開

忘憂館夜夜稱觴百尺臺

高燭燒殘是幾更  
明河不斷大隄平  
天空傳得滄浪曲  
不覺梧桐白露生

好從行樂膩晴暉  
杯酒何論是與非  
到處曲池都蔓草  
野花不管白雲肥

題胡人射獵圖四首

綉纈蹴飛黃  
騫弧百隊強  
狻猊多意氣  
跪獻左賢王

風雨迅馮陵  
千群忽自崩  
從來誇轂弩  
不用更

農丈人詩集

卷一

十八

調鷹

秋色滿胡天  
高空一箭懸  
將軍卧細柳  
慎莫近南邊

殺氣昏於霧  
沙高雲不度  
赭盡白龍堆  
不識挽槍妬

題軒轅石

英英白雲廬  
云是崑崙祖  
一謝洪濤乾  
巨靈不敢俯

題便面

千巘峯齒齒一片鴻濛似蓬藿不關人出入  
幽芷

博平阻風二首

風伯太多情留人住博平空心如日月只向船  
體生

占風何莽莽計日轉悠悠天意吾能信無勞助  
石尤

淮上阻風二首

大扁激風湍長淮五月寒客情無住著折取

農丈人詩集

卷一

十九

花看

南帆已自偃北帆猶自驕一樣共河水尋常

汝遙

農丈人詩集卷之二

目錄

述懷二首

婁道人歌 有跋

送倪博士謁選之京

自詫

醉

病中少司馬范公以詩見訊次韻奉答時

余栖卧霞爽閣中

農丈人詩集

目錄卷二

全大司馬張公游茂嶼作

玉乳泉

江瑤柱

懷馮咸甫孝廉

携尊楊義問園亭酌程孟孺全嘉則諸君

賦

全蔣伯源鄔汝翼趙敬甫集陳從誡山亭

限韻

送尉弟寤

送周元孚戶部往權臨清

送盛泰甫上泰和山為母祈年兼求嗣子

因過郢上壽封司馬曾翁

送蔡憲長入覲

張鴻臚孺宗恭奉南宮試錄馳上孝陵

賦贈

贈楊少谷州守

沈嘉則邀賞玉蘭同箕仲孺愿鴻羽諸君

分韻

皇辰丈人詩集

目錄卷二

二

送郡博黃子升之官藩府

寄贈座師陸公子秋試南都

送沈嘉則應聘入楚二首

游茂嶼從大司馬張公二首

雨歸自茂嶼呈司馬公二首

舟行新安江上二首

入南都抵周吏部國雍官舍二首

秋日陪祀長陵恭紀十二韻

陳使君別號筆山索余賦贈會有永昌新

命輒用志別

送赫侍御按陝右代作

真真樓為吳虎臣賦

贈郡理葉公考宥

送俞琳司訓永寧因訊其從父九河丈

桂孝廉下第補官亳州學正

輓座師吳菲庵先生

周吏部國雍席上逢吳孝甫俞公臨分得

寒字

鼎農人詩集目錄卷二

游大慈寺

史衛王丞相祠

送董宗望之官樵李四首

送同年吳興李元潤之任晉陵博士四章

末訊唐玄卿儀部

宿遷道中

下邳道中

前督府御史大夫孫公文融先生歸自

陽暫憩毗陵之蔣園時惟唐玄卿與

勞苦頗慰平生因訊斯章兼申契濶云  
爾凡六首

古氏朝臨閣上瓶梅尚在口占一絕

送盛泰甫之上谷謁開府張公

馬上見西山作

嘲友人

雨中全司馬公游茂嶼四首

題美容

代美容答

及丈人詩集 目錄卷二

別美容

代美容送別

頌夕

遵吳

老吃

支頤

古氏朝臨閣上題梅次韻

題便面二首

農丈人詩集目錄卷之二

書記周禮

農丈人詩集卷之二

古鄆余寅僧杲著

述懷二首

山谷多悲風志士慨以慷抗聲一何烈引睇一  
何長豈無弁心人邈在古泉壤流風燦列星咫尺  
願同行朝暮傷腐草恣恣追景光景光不可  
追涕泗摧肝腸

其二

大運迭遷化乘時起良遇年光難久持

農丈人詩集

卷二

一

前朔磊瑩華胃子放情多廣慕燕好不及私咄  
惜青陽暮烈烈氣志矜上與北斗驚大海日夜  
深恒陰結長路行者各有營昧子守窮故尊酒  
良有孚湏臾可相諭

婁道人歌 有跋

大海玄珠杳無跡汗漫徒勞笑黃馘羽衣飄撇  
紫柏宮五色肝腸澹空碧婁道人貌何澤迎風  
下拜微我言一字猶勝聞道百我豈能文章世  
日走尋尺倘緣借我苔華詞何憚持之謁姑射

乃知虛寂之行輝九區青鸞空洞雲相扶地為  
其籟天為倪世人不似心長枯吁嗟世人不似  
心長枯輦金積玉何為乎

婁道人苧蘿山下人也齋素有年無營  
而自給足屢索贈言茲復萇萇已泊然  
人也而猶忻忻此聲

送倪博士謁選之京

博士丰神何俊爽鶴立踈踈足忻賞齒髮無多  
恨有餘微官不足寄慨慷從容語及長安時諸  
公倒屣驚猶遲伊優嚶香侏儒飽空勞面目相  
羈縻今年又走長安道淒風急雪何草草平生  
意嶺僅有申猶賢屈首終枯槁我亦幾度謝都  
門白眼不識諸公尊古來放達嘗吏隱等閒欲  
共千年論白頭持此將安訊羞澁人前說雄奮  
豈有行止關斯人蒿萊久已甘吾分

自詫

自詫驕騶群驪黃不可分天飛者誰子蹠蹠入  
重雲首着能空飽長鳴向主君萬年銅式在終

使尚方聞

醉

萬事等優游長途可自由坐看天地老醉失古  
今愁世俗從他賤生平敢自謀年來深傍汝不  
道白人頭

病中少司馬范公以詩見訊次韻奉荅時

余栖卧屠田叔霞爽閣中

寂寞黃花徑羈棲白恰人力危思慰藉語至覺  
精神高閣巡簷數清池選石頻握蘭芬自喜劇

農文人詩集

卷二

三

甚大湖濱

全大司馬張公游茂嶼作

野曠意冷然秋容澹可憐薄衣經窈窕高唱滿  
婵娟峭壁成孤往閒雲想獸玄山中誰祭酒推  
服謝公賢

王乳泉

靈源通古竇玉乳盎春池釀地分天酒開雲漏  
石脂尋常村豎汲珍重谷神知更覆松千尺朝

昏沉瀝滋

江瑶柱

海錯萬斯珍，腴別貯春嘉。名真有屬他族，遂無倫已謝泥塗。晚猶憐物色，新何時克鼎列。一為嵩方陳。

懷馮咸甫孝廉

一切踈人事，千回念友生。黃河曾北注，白日每西傾。虎圈瞋何甚，龍門傲未平。真傳渭水上，魚腹字分明。

携尊楊義問園亭酌程孟孺全嘉則諸君

農丈人詩集

卷二

四一

賦

花氣滿庭虛，風光面面舒。可禁春到此，不醉酒何如。片石皚於雪，新荷穉若魚。憐君如永日，步與躊躇。

全蔣伯源鄔汝翼趙敬甫集陳從訓山亭

限韻

白石語倉庫，榴花一倍明。主人豪自命，客子病初輕。酒態縱橫起，詩懷佚蕩生。步兵千古意，遮

莫使人驚。

送尉弟騫

鳧嶂總前驅君才豈後途帆追高嶽疾醉失大  
江孤暮雨三朧國秋風五父衢夢魂相憶處何  
地不踟躕

送周元孚戶部往權臨清

京師盡聞周戶部心事如眉歷可數一朝天  
子令權關據案低頭學坐賈周君顏面大不得  
天子胡不使我為巨率萬里橫戈誅錢勒坐使  
英雄氣銷蝕如今烽火盡皆熄戰士連年解犀

革安所置君勞歎息君不見漢武竭力事四夷  
司農飛輓風猶遲腐儒大言黜桑孔廬山之壑  
誰支持 國家威德古無上士馬安憑發靈爽

莫卑樵事耻不前小可官家贊銖兩我今拜恩  
稱雜沓日肉半斤米八合向異肥人傳贅尻空  
戴冠纓入朱閣慣從象胥作僂傴朝稿諸夷暮  
諸虜方識 朝廷重重譯南金吉貝疾如雨譬  
之鷓夷時有須我能斟酌君能沽稍佐諸君北

備胡 天子不講王會圖 天子若講王會圖

倘然曠蕩推吾徒行矣周君莫太迂

送盛泰甫上泰和山爲母祈年無求嗣子  
因過郢上壽封司馬曾翁

常年獻歲在家好今年獻歲辭家早新裁巧勝  
貼初黃上堂長跪辭阿媪慕上神靈祿命司送  
人兒子扶人老今年阿媪正八旬兒今便走襄  
陽道少婦來前更偷語早晚好作襁兒襦膝下  
如今少佐歡得來詹父真吾寶榔梅樹下憩稍  
時不妨再問蓬萊島漢陰老父壽且考是日羣  
農文人詩集卷二

僊若鳧藻衆中誰獻金光草

送蔡憲長入覲

使者朝天領百司清霜爲蓋電爲旗青龍符上  
書官爵白虎樽前奏便宜日麗梁魚端笏重風  
高控桓禁鐘遲睿情歷歲珍玄默應爲君侯下  
赤墀

張鴻臚孺宗恭奉南宮試錄馳上

孝陵賦贈

神霄使者

勅書新白馬翩翩許問津六尚總

緣留柏寢萬靈長自護  
楓宸高天有截山為  
大地無邊海効珍  
鍾阜前頭端笏罷  
知君百遍恣逡巡

贈楊少谷州守

當時墨綬自猗那  
其柰踟蹰路若何  
負郭無田堪戴笠  
傍湖有宅好張羅  
漢陰機事消都盡  
濠上高風較獨多  
平日不曾輕作贈  
為君端拜紫烟螺

沈嘉則邀賞玉蘭同箕仲孺愿鴻羽諸君

農丈人詩集

卷二

七

分韻

素娥來下白雲鄉  
環佩璆然儼洞房  
姑射神人冰骨相  
羅浮僊子縞衣裳  
小垂皓腕驚迴雪  
淡拂鉛華妬薄霜  
家是飛觥無可邴  
好誰消却轆轤腸

送郡博黃子升之官藩府

四明山色偶盤桓  
又駕餘舲下急灘  
老去肝腸滄海似  
窮來道路太行難  
金銀宮闕風能遠  
蛟蜃樓臺水自寬  
即此已堪充襟佩  
莫將壯志

微官

寄贈座師陸公子秋試南都

吾師姓字震吳中教子傳經有阿戎  
驥囊路長資首著鳳凰天遠藉梧桐  
平敷柔翰看雲起大坐孤槎與漢通  
多少少年場裡事莫將容易驟花驄

送沈嘉則應聘入楚二首

楚望渺江潯江花爛熳侵用君無處  
所去住總難禁舊恨三湘滿新愁七澤深  
武昌魚可食不必賦哀吟

農文八詩集

卷二

八

良史原禱杙名疆自鸞熊老纜亥末役還與衆  
人同江漢資雄筆梗榘屬鉅工一時授簡者誰  
奏大王風

游茂嶼從大司馬張公二首

渺渺白雲封閒閒水石重秋花不作艷晚景若  
爲容野曠無多樹天高幾處峰神僊初不異亦  
與世人逢

花下足婆娑臨風倚素娥偶然谿雨歇自在野

雲多以酒當年歲將詩卷薜蘿吾心塵網濶放  
浪可如何

雨歸自茂嶼呈司馬公二首

冒雨憐子邁從公又雨還萬山知汝健雙屐笑  
人閒窮海玄陰積空塘朔氣斑登樓高自遣猶  
得俯塵寰

老去主人強高懷殊未央放晴無不可冒雨亦  
何妨濁世頻掀袂浮生一舉觴安知天地外別  
有姓名香

農丈人詩集

卷二

九

舟行新安江上二首

碧絕新安水粼粼石上行波光低月白沙氣接  
天青寒可凌書劍香誰聞杜蘅踈眉休更照長  
是太分明

望望白雲層天都此地經山川橫碧落舟楫上  
青冥翠重沙頭雨寒踈石上星神僊如可遇環  
珮半空聽

入南都抵周吏部國雍官舍二首

暫憩與山公悠然生遠風殷心彌大海高論停

長虹清漢呼燈早  
踈星把盞空  
芭蕉無限綠  
隨意上簾櫳

秋月一何明  
秋花分外清  
風塵餘拂拭  
意氣自縱橫  
別久語無次  
愁多夢不成  
小奚知款曲  
倍見主人情

秋日陪祀長陵恭紀十二韻

大事從權起  
雄圖直北開  
神堯原簡授  
玄武况趨陪  
獨問山河去  
親扶日月回  
異流皆將相  
假寐亦風雷  
絕漠勞三駕  
英聲聳九垓  
山高留黯慘  
銘大與崔嵬  
國是仗元老  
戎機稟上裁  
恢張新冀服  
眇小舊燕臺  
殷地歌磐石  
馮天遡草萊  
松楸紛兩立  
弓劍儼雲來  
太乙寒仍衛  
崑崙遠作隈  
俯躬空岫裡  
昏黑使人猜

陳使君別號筆山索余賦贈會有永昌新命輒用志別

筆山之山不經見  
巋然高障無諸回  
蒼麓蟠爲襍寶跗  
青巒綴作明珠鈿  
蘭氣周遭曠上馳  
霞光盤薄紛來綯  
初從甌粵占署曹  
復向牂牁走

乘傳太守既擅師扈才 天子又賜帝鴻研  
書緬字何分明白鬻烏蠻特懷變博南自古已  
來賓會看載筆麒麟殿

送赫侍御按陝右

代作

春風駘蕩桑乾綠使者征麾如電矚終南大斧  
迎嶙峋畫討竒衰夕謠俗百城大吏走流水九  
嶮五時色俱起執憲精剛錢不如誰將闡出奸  
吾紀湛恩總許西人私東人不及霑毫釐東人  
蘇息使者慈往時帝力今時知何年北斗城中  
農丈人詩集 卷二 一

轡再賜吳閭萬室禧

亭亭樓為吳虎臣賦

高樓面面敞雲端萬里星辰走玉欄不盡大荒  
莽蕩合一憑遙夜沈寥寒飄風忽送清商遠明  
月時從白墮寬便欲乘空晞短髮青鸞猶恐隔  
塵看

贈郡理葉公考宗

幾年海國借神明遇事看君慷慨生天遣一星  
來執法日提三尺佐專城山川時節朝相屬風

雨尋常避不行治狀祇今誰第一吳公蚤已折  
西京

送俞琳司訓永寧因訊其從父九河丈

聶都山水遠來歸中有真人坐翠微幾畹蘭葉  
為聖藥充庭女樂是名妃嶺雲片片知鄉曲海  
兩年年長蔽薇令叔于思無恙在因君持贈六  
銖衣

桂孝廉下第補官亳州學正

帝曾盥手將嘉璧君亦呈身上赤墀敢問燭龍

農丈人詩集

卷二

十二

西北事誰分汗馬渥洼時蘼蕪正綠商家社雲  
雨猶青老氏祠莫向巨觥頻自詫好憑薄祿暫  
相羈

輓座師吳菲菴先生

一入樅陽路渺茫亂山高下恨何長自從墮地  
聞前輩此日臨風拍寸腸古木年來春寂寂大  
江東去水湯湯三吳百粵揚旌地誰為先生紀  
太常

周吏部國雍席上逢吳孝甫俞公臨分得

寒字

黃花不妬故人歡  
杯酒分明對鷓冠  
十里長干秋月白  
五更清漏碧梧寒  
都將傲睨空前輩  
肯爲詼諧避大官  
莫說蚶蛟磯下事  
恐驚滄海一時乾

游大慈寺

海嶠憑陵引大湖  
天龍盤礴護神都  
誰言覺路非塵劫  
何必高僧謝酒徒  
十里花香聞走馬  
千山鳥語醉呼盧  
年來身世真無著  
願乞齋前大

慧珠

農文人詩集

卷二

十三

史衛王丞相祠

翠微十里錦屏新  
丹雘千年玉闕塵  
丞相祠堂春寂寂  
將軍冑石鱗鱗  
山風送雨走空壑  
海月隨潮渡古津  
獨有子規作人語  
不禁淒斷大湖濱

送董宗望之官攜李四首

宗望有官而無任祿亦不及故竊爲寄  
慨焉

量移總不出三吳蚤已無梟到采盧萬事看  
真一擲不須空着馬前壺

四座曾誇玉塵飛如今休自詫無衣何人飽吃  
長安米白日高槐陌上肥

烟雨樓前日欲遲曲隄無恙引葦蕪鳧鷖只管  
湖頭住白地香風暗地知

可那醪釀上渴烏春風無計倩人扶道傍榆莢  
如錢大不當壚頭一夜沽

送同年吳興李无潤之任晉陵博士四章

末訊唐玄卿儀部

餘不溪原接太湖釣絲長拂老樵孤春風背地  
都相恨抱得殘經不出吳

亦是天家驀裏身太行無那久嶙峋文茵華轂  
三千隊跑踣如今若箇真

獨謠花下意何長君自殷勤顧瘦羊滿眼看他  
車上儻春風正逐少年場

須臾流火又西躔每有秋風倍黯然為訊唐睢

雙黑鬢莫教容易老江塹

宿遷道中

大霧如人醉不勝北來風候湯無憑沙頭老樹  
猶青在十月黃河不作冰

下邳道中

陡然沙礫向人驕故故陰雲不肯消聞道南風  
能釀雪爾來昏霧已三朝

前督府御史大夫孫公文融先生婦自遼  
陽暫憩毗陵之蔣園時惟唐玄卿與相  
勞苦頗慰平生因訊斯章無申契濶云

爾凡六首

得歸猶自恨蹉跎若箇花前扼腕多莫遣酒杯  
頻放却有人憔悴碧山阿

遼天力盡淚蘇蘇沙白霜黃草並枯此日樂浪  
如几席海波不動大旗孤

誓將萬死報皇天糞土微臣敢自全捧到  
書副尺一蚤辭淚水暮辭燕

朝端大論幾時申鳴吻前頭不敢噴聞却尚方

斬馬劍小臣無語歌傷神

好指誰家笑作帝，  
可堪白月下踈簾。  
荷風宛歌喉細，  
第一先拈昔昔鹽。

江潭秋老自黃昏，  
正是梧桐葉滿門。  
學得跣蹠消白晝，  
可知今日是君恩。

古氏朝臨閣上瓶，  
梅尚在口占一絕。

顧影離離月在床，  
一枝猶帶臘前香。  
我來憔悴風塵後，  
頭白明燈對汝觴。

送盛泰甫之上谷謁開府張公

六博何論不是才，  
月高霜塞且啣杯。  
紛紛列校

都長揖共說今朝劇，  
孟來

馬上見西山作

風塵何地不蹢躅，  
說着瑠鞍意總闌。  
家是胡床偏解事，  
扶人顏色上巔岏。

朝友人

見說郎家主太纍，  
榻來聲息大樞機。  
春風倘爲憐玄髮，  
贏得窓前喚老奴。

雨中全司馬公游茂嶼四首

浩浩吞長谷，  
盤盤下遠關。  
白雲莫欲遍，  
不辨是

前山

海色一千里  
霏霏只尺起  
山光不照天  
白盡空

江水

烟莽忽離離  
離溪光蕩不持  
秋從何處到  
早已白

蘋知

一雨浹旬日  
憂來盈百室  
今年少舊醅  
莫打霜

前秋

題芙蓉

輕寒截曉殷  
長空麗秋碧  
一曲黃淡思  
彩雲忽

農文人詩集

卷一

十七

狼籍

代芙蓉答

遠性托幽谷  
雲間夢不來  
郎如邀白月  
秋水是

良媒

別芙蓉

行行不得阻  
曳曳爛庭戶  
昨日恨清尊  
今日恨

柔艣

代芙蓉送別

暖席不長侶  
煩心忽盈渚  
今朝櫂上霜  
蕭疎

幾許

嶺夕

嶺路入脩桐空濛下夕屏湖山分半壑竹樹翳  
疏櫺歌歇前村雨鍾催滿院星那堪喧萬籟不  
共使君聽

遵吳

我自遵吳去君胡問楚來黃河初擊楫白鴈且  
銜杯信步人人少攢眉事事哀不妨頰落魄日  
上鳳皇臺

農文入詩集

卷一

一八

老吃

獨漉爾何為空多老吃悲花曾驕北阮魚自避  
西施意氣黃金密肝腸白璧疑海鷗如雪色烟  
烟不曾欺

支頤

欲遣支頤日常逢扼腕時青雲多暝眊白日且  
恣睢杜癭三朝舊孫臆萬乘師諸公自竒表蚤  
晚發光儀

古氏朝臨閣上題梅次韻

嫩藥廉前玉綴輕  
杖遂裏風斜玄  
言共臨飛  
清夢重來海涯

題便面二首

洞壑天低萬仞叢  
枝雨立千章  
歲月都從寥泬  
人家半住蒼茫

積翠巖疑翳閣深  
泓闇闇迎潮  
白日蠹魚自晒  
青天羸豕誰驕

